

Nuuk, Oktobarip 10-at 2022

Uunga: Aalisarnermut Piniarnermullu Naalakkersuisoqarfik, Nuuk

Tiguisusuaq: Robin Holmvang

Tunumi qalerallit pillugit aqutsinissamut pilersaarummut tunngasoq.

SFG-ip ulloq 30/9 Tunumi qalerallit pillugit aqutsinissamut pilersaarummut missingersuusuaq kingulleq tiguisimavaa.

Oqaaseqaatissagut makkuupput:

Imm. 3.2

Isumaqatigiissut nunat pingasut akornanni isumaqatigiittoqassatillugu atuussinnaasariaqarpoq. Ima allassimanissaa siunnersuutigerusupparput:

"Tamanna eqqarsaatigalugu aqutsinissamut pilersaarummi Naalakkersuisut Tunumi qalerallit amerlassusaannik ilisimatuussutsikkut siunnersuinermit kiisalu nunat sinerillit Island, Kalaallit Nunaat Savalimmiullu akornanni aqutsinissamut agguassinissamullu isumaqatigiisummut atuuttumut naapertuuttumik TAC-mik aalajangersaassasut aalajangerneqarpoq".

Isumaqatigiissut nunanut marlunnut taamaallaat atuuppat (imaluunniit isumaqatigiittoqarsimanngippat) matumani oqaasertaliussaq naammapportaaq.

Imm. 3.3.3

Matumani allassimavoq: *"Imartat sunnertiasut sumiissusernissaannut aqunneqarnissaannullu nassuiaatit piumasaqaatillu allat immap naqqi pillugit aqutsinissamut pilersaarummi saqqummersussami ilaassangatinneqarput."* SFG isumaqarpoq aqutsinissamut pilersaarut pilersaarummut sulit saqqummersimanngitsumut atassuserneqassanngitsoq. Tassunga taarsiutitut oqaaseqatigiit peerlugilluunniit ima allanngortinneqarsinnaapput: *"Imartat sunnertiasut sumiissusernissaannut aqunneqarnissaannullu nassuiaatit piumasaqaatillu allat immap naqqi pillugit aqutsinissamut pilersaarummi atuuttumi ilaatinneqarput"*.

Imm. 3.3.4

Egalussuaq MSC-mi immikkut isiginiarneqarmat SFG tassunga tunngatillugu naggasiutitut oqaaseqaateqarusuppoq. Ima allassimasoqarnissaa siunnersuutigaarput: *"...piujuartitsinermik tunngavilitut nalilerneqartut saniatigut pissuseqatigiiaat sulluunniit innarlerneqassanngillat. Egalussuit mianersuullugit, sukkasuumik uumatillugillu imaanut avalatsinneqaqqittassapput."*

Imm. 4

Immikkoortumi matumani e-logbog ilaatinneqanngilaq. Aalisarnermik nakkutilliinermut tunngatillugu pingaaruteqarmat eqqaaneqartariaqarpoq.

Ilanngussaq 2 aamma 3

Ilanngussat taakku arlaannaalluunniit allaaserisap sinnerani taaneqarnatillu, pilersaarummut atuumassuteqarnatillu immikkoorlutik taamatut allassimatillutik paatsiveerutsitsisinnaapput. Peerneqartariaqarput.

Inussiarnersumik

Sustainable Fisheries Greenland